

Ўзбекистон тумани давлат солиқ инспекциясига янги бошлиқ тайинланди

Давлат солиқ қўмитасининг тегишли буйруғига кўра, Фозилов Улуғбек Эгамберидевич Ўзбекистон тумани давлат солиқ инспекцияси бошлиғи лавозимига тайинланди.

Улуғбек Фозилов 1984 йилда Фарғона вилоятида туғилган. У 2006 йилда Тошкент ирригация ва қишлоқ хўжалигини модернизациялаш мухандислари институтини, 2012 йилда эса Тошкент давлат иқтисодиёт университетини тамомлаган. Мутахассислиги – иқтисодчи.



У солиқ тизимидағи меҳнат фаолиятини 2007 йилда Бешариқ тумани давлат солиқ инспекциясида бошлаган бўлиб, ҳозирга қадар турли лавозимларда фаолият юритган.

Солиқ хизматининг II даражали инспектори унвонига эга бўлган Улуғбек Фозилов янги лавозимга тайинлангунга қадар эса Кўқон шаҳар давлат солиқ инспекцияси бошлиғининг 1-ўринбосари вазифасида ишлаб келаётганди.

Ўзбекистон туманининг янги бош солиқчиси бугун туман ҳокимлигига туман фаолларига таниширилди.



Маълумот ўрнида эслатиб ўтамиз, туман ДСИнинг аввалги бошлиғи Жахонгир Қўчқаров ўтган август ойидан Фарғона вилояти давлат солиқ бошқармаси бошлиғи ўринбосари сифатида янги лавозимда иш бошлаган эди.

Ўзбекистон тумани ҳокимлиги Ахборот хизмати

2021-09-17 22:23:20